



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

II. Compositio Libri hujus esse videtur Salomonis, compilatio multorum posterioris aevi, ordo & constructio Esdrae.

urn:nbn:de:hbz:466:1-16260

& Chaldaeus Interpres, & Syrus, & Arabs, & Vulgatus.

*Compositio
Libri hujus
unius esse vi-
demur Salo-
monis, com-
pilatio multo-
rum posteriori-
um evi, ordo
& construc-
tio Esdrae.*

II. Urcunque se res habet, manifestum est hanc Parabolarum *ωνοσήων* non simul ac semel fuisse compilatam, sed variis temporibus, partim ante Ezechiam, partim Ezechia temporibus, partim & Aguris illius. Sic enim existimo, cum ter mille Parabolas scripsisset Salomon, integrum earum collectionem ante captivitatem Babylonicam in Templi tabulariis, & in doctrorum, piorumve hominum museis fuisse servatum: plurimos quoque ex ingenti hoc numero *ἐνδεκάς* alias in suos usus excerpserunt, quasdam etiam memorie commendasse. Crematis deinde in clade Hierosolymitana codicibus, quibus descripta continebantur universae Salomonis Parabolae, cum Scripturarum faciarum dispersas deinde reliquias Esdras in patriam redux colligere instituerunt, ex ingenti Parabolarum numero aliquot tantum particulas, vel fortuito, vel studiosum aliquorum, sanctuarum virorum diligentia, vel quod verius est certo Dei nutu flammis exemptas naecus est. Ac priora quidem viginti quatuor capita crediderim operis totius fuisse exordium, quale in ipso Salomonis exemplari habebatur. Suadet id rerum ordo & contextus. Tu modo postremos vicesimi quarti capituli versus excipias, qui cum reliquis capitibus sede sua moti variis trajectonibus laborant. Reliqua ex superstitibus, quae reperi ab Esdra potuerunt, compilationibus illuc adiecta sunt. Igitur totius Proverbiorum libri unus Salomon auctor vere dicendus est: & priora quidem viginti tria capita, cum viginti duobus primis versibus capituli vicesimi quarti, nulla sui parte multata sunt; sed talia extare videntur, qualia à Salomone descripta fuerunt. Reliquorum septem capitulum compilatio, cum postrema vicesimi quarti parte, multorum *ωνοσήων* est, & Parabolae hinc inde ex toto Salomonis opere excerpserunt. Partium illarum colloccatio, & in Librum hunc quem habemus constructio, Esdra est, vel Synagogæ magnæ potius, cuius auctoritate Esdras sacramentum Librorum recensum egit. De sola illa parte qua Aguris est, oboriri potest suspicio: sed & hanc quoque Salomonis esse minime dubitabit, quisquis reputabit cum animo suo, ad tanti Regis & tanto cultu ac veneratione inter Ebraeos habitu effata non pasturos fuisse gentis illius Magistros obscuri hominis sententias adjungi. Scio suspicatos esse nonnullos, non omnes illas *Ἐργα* repertorem habuisse Salomonem, sed ex vetustiorum Scriptorum libris ab eo fuisse descriptas; quod nulla causa dictum est: nec enim video quamobrem sapientissimo & eruditissimo Regi, ac divinis dotibus instrutissimo, Parabolarum aliquot inventionem invideamus. Jam vero ad Septuaginta Senum interpretationem quod spectat, in qua ultimorum septem capitum, cum vicesimi quarti parte postrema, ordo miris modis perturbatus est & confusus, factum id reor propter disjunctionem versuum & sententiarum, quae ita discreta sunt ab invicem, ut altera alterius opem minime poscat. Hinc evenisse puto, ut earum alio aliisque ordine pro libitu suo disponendarum licentiam sibi Hellenista aliquis sumiserit, in postremis praefertim capitibus, quorum dispositionem Salomonis non esse cum vulgo notum esset, idem licere sibi credit, quod in his alii jam *ωνοσήων* attentaverant. Ex aliquo igitur hujus generis codice, atque ita ab Hellenistis perverso propagata esse arbitror, quæ superfluit, Septuaginta Interpretum exemplaria; quavis ipsis in primigenia sua scriptione Ebraicorum librorum ordinem affectatos esse non dubitem.

*Probatur
eius ἐργα
& antiqui-
tatis.*

Eccles. 12. 9.

3. Reg. 4. 31.

Joseph. Antiq.
libr. 8. cap. 2.

3. Reg. 4. 31.

III. Bene vero est quod ex hac Parabolarum adjectione opinioni nostræ accedit robur, verusque Libri auctor deprehenditur. Nam cum sic ordiatur vicesimum quintum caput: *Ha quoque Parabola Salomonis, quas transtulerunt viri Ezechia regis Iuda, quod & in Ebraico exemplari legitur, & in Septuaginta Senum interpretatione, omnino hinc efficitur, & superiores Parabolas fuisse Ezechia antiquiores, & à Salomone esse profectas, & eas quæ sequuntur ad initium usque tricesimi capituli, Ezechia haudquam esse recentiores.* Operis præterea ætatem indicat comma istud è libro Ecclesiastis, quem post Parabolas à Salomone compositum esse Rabbini consentiunt: *Cumque illi sapientissimus Ecclesiastes, docuit populum, & enarravit que fecerat, & investigans composuit Parabolas multas. Quibus consonat & istud è tertio Regum: Locutus est quoque Salomon tria millia parabolas.* Atque id ad hunc tantummodo, quem habemus, Parabolarum librum referendum esse vult Hieronymus in Quæstionibus Ebraicis: *Locutus est, inquit, Salomon tria millia Parabolæ. In Proverbii enim versus noningenti & quindecim continentur, in quibus etiam con-
tinentur tria millia Parabolas.* Alter Josepho visum est, qui Parabolarum libros ter milie à Salomone scriptos ait, atque eos in Hierosolymitan deinde excidio flammis perire Rabbini docent. Plane Scriptura ipsi contrahit Josephus, quæ non ter mille Parabolarum libros, sed Parabolas ter mille à Salomone conscriptas esse docet: neque tamen Hieronymo assentior, qui eo quem habemus Proverbiorum libro ter mille Pa-